

MALITTARISASSATUT SIUNNERSUUT

§ 1.

Ateq najugarlu.

Nunatsinni Inunnik Isumaginninnermi Siunnersortitut Ilinniarsimasut Peqatigiiffiat taaguuteqarpoq: N.I.I.S.I.P.

Najugaa: Siulittaasup adressia.

§ 2

Peqatigiiffiup siunertaa

Imm. 1. Peqatigiiffik nuna tamakkerlugu peqatigiiffiuvoq.

Imm. 2. Peqatigiiffiup siunertaraa, inunnik isumaginninnermi siunnersortitut ilinniarsimasunut tunngasut pillugit peqatigiiffiup pisortallu isumaqatigiissutaat malillugit sulisut katersussallugit, aammalu ilaasortat soqutigissaat isumaqatigiissutinik tunngaveqartut siunnersuutillu sulissutigissallugit, kiisalu isumaqatigiinniartarneq Atorfillit Kattuffiat suleqatigalugu ingerlattassallugu.

§ 3.

Kattuffimmut /-nut ilaasortaaneq

Peqatigiiffik Atorfillit Kattuffiannut ilaasortaavoq.

§ 4.

Ilaasortaanermut tunngasut

Nunatsinni Inunnik Isumaginninnermi Siunnersortitut Ilinniarsimasut Peqatigiiffiat Atorfillit Kattuffiannut ilaasortaavoq.

Imm. 1. Inunnik isumaginninnermi siunnersortitut ilinniarsimasut kiisalu Atorfillit Kattuffiata Naalackersuisunut isumaqatigiissutaa malillugu pisortani atorfeqartinneqartut peqatigiiffimmut ilaasortaasinnaapput.

Imm. 2. Peqatigiiffimmut ilaasortat Atorfillit Kattuffiannut ilaasortaassapput.

Imm. 3. Atorfillit Kattuffiata Naalackersuisullu akornanni isumaqatigiissut tunngavigalugu atorfillit sulijunnaarnermi, ingerlaannaq ilaasortaaneq atorunnaarsillugu Atorfillit Kattuffianut nalunaarutigineqassaaq.

Imm. 4. Tapersersuisutut ilaasortaasoqarsinnaavoq.

§ 5.

Ilaasortaanermut akiliut

Imm. 1. Atorfillit Kattuffiannut ilaasortaanermut akiliutip annertussusaa akiliutigineqartassaaq, taannalu qaammatikkaartumik akissarsianit peerneqartassalluni Atorfillit Kattuffiannut tuttartussaaq.

Imm. 2. Peqatigiiffimmut qaammammut kr. 50,00 akiliutigineqartassaaq.

Imm. 3. Tapersersuisutut qaammammut ilaasortaanermut akiliut kr. 25,00-uvoq.

§ 6. Sullissineq

Imm. 1. Atorfillit Kattuffiata malittarisassai malillugit ilaasortat ajornartorsiuleneranni sullinneqarsinnaapput, tassa qaammatit pingasut ilaasortaareersimagaanni.

Imm. 2. Ulluinnarni sulinermi atukkat akissarsiallu pillugit ajornartorsiortoqartillugu Atorfillit Kattuffiannit sullissineq pisassaaq.

Imm. 3. Isumaqatigiinniarnissamut piareersaatit Peqatigiiffiup isumagisassarai, isumaqatigiinniarnernilu Atorfillit Kattuffiat suleqatigigalugu piareersarnej isumaqatigiinniarnerrillu ingerlatassallugit.

Imm. 4.

- A) Illoqarfimmi ajornartorsiutit annikinnerusut Atorfillit Kattuffiata sinniisuinit imaluunniit Peqatigiiffiup illoqarfinni sinniisaanit suliarineqartassapput.
- B) Taakku naammassisinnaanngippassuk Atorfillit Kattuffiannut isumagisasannngortinneqartassapput.

§ 7 Siulersuisut

Imm. 1. Peqatigiiffik siulersuisunit siulersorneqassaaq, taakkualu tassaapput siulittaasoq, siulittaasup tullia, aningaaserisoq, allatsi aammalu siulersuisunut ilaasortat marluk, sinniisussallu marluk.

Imm. 2. Siulersuisut peqatigiiffiup ulluinnarni ingerlannissaa pisussaaffigaat.

Imm. 3. Siulersuisut pisariaqartitsineq napertorlugu ataatsimiititalianik sunilluunniit pilersitsisinnaapput.

§ 8 Atsiorsinnaaneq

Siulittaasoq aningaaserisorlu peqatigiiffik sinnerlugu atsiortussaataapput

§ 9. Ataatsimeersuarneq

Imm. 1. Ieqquusumik ataatsimeersuarneq tassaavoq Peqatigiiffiup suliassaataanut tamanut oqartussaaitaasoq qullerpaaq.

Imm. 2. Ataatsimeersuarneq ukiut marlukkaarlugit marts-imi pisassaaq, qaammatinilu pingasunik siumut kingumullu pisinnaalluni.

Imm. 3. Ataatsimeersuarneq ukiup affaa sioqqullugu ilaasortanut nalunaarutigineqartassaaq.

Imm. 4. Siunnersuutit ataatsimeersuarnermi oqaluuseritinniakkat siulersuisunut kingusinnerpaamik qaamat ataaseq sioqqullugu tunniutereerneqartassapput.

Imm. 5. Ataatsimeersuarneq aalajangiussanik imaqarniliorneqartassaaq.

Imm. 6. Ieqquusumik ataatsimeersuarnermi ullormut oqaluuserisassat:

1. Tikilluaqqusineq
2. Aqutsisussamik qinersineq.
3. Allatsissamik qinersineq
4. Siulittaasup Nalunaarutaata saqqummiunneqarnera oqaluuserineqarneralu.
5. Naatsorsuutit saqqummiunneqarnerat oqaluuserineqarnerallu.
6. Oqaluuserisassatut siunnersuutit oqaluuserineqarneri.
7. Ilaasortaanermut akiliutip aalajangerneqarnera.
8. Siulersuisunik sinniisussanillu qinersineq.
9. Kukkunersiuisussanik ataatsimik sinnissusnaanillu qinersineq.
10. Tamalaat.

§ 10.

Immikkut ittumik ataatsimeersuarneq

Immikkut ittumik ataatsimeersuortoqarsinnaavoq tamanna siulersuisut amerlanerussuteqartut imaluunniit ilaasortat affai sinnerlugit amerlassuseqartut piumasarippassuk.

§ 11.

Ukiumoortumik naatsorsuutit

Peqatigiiffiup naatsorsuutai ullormiit 1. januar – 31. december ingerlapput. Kingusinnerpaamillu 31. januar naatsorsuutit taakkualu inernerat siulersuisunut kukkunersiuisunullu tunniunneqarsimassapput.

§ 12.

Peqatigiiffiup atorunnaarsitaanera

Imm. 1. Peqatigiiffik taamaallaat atorunnaarsinneqarsinnaavoq tulleriiginnarni marlunni immikkut ittumik ataatsimeersuarnermi ataatsimeersuaqataasullu ikinnerpaamik 2/3-iisa isumaqataanerisigut.

Imm. 2. Atorunnaarsitsinermi peqatigiiffiup pigisai nalillit Atorfillit Kattuffiannut tunniunneqassapput.

§ 13.

Peqatigiiffiup pilersinneqarfia

Nuuk ulloq 17. maj 2006.

§ 14.

Malittarisassat atuutilernerat

Malittarisassat uku atortuulersineqarput Atorfillit Kattuffiata akuersinertigut ulloq 1. juni 2006.

Siulittaasoq

Sara Abelsen

Aningaaserisoq

Leana Andersen